

每週經課朗誦經文（巴克禮台語漢字）2015/03/22

共同經課-1 耶利米書三十一章三十一節～三十四節

31 耶和華講：「看啊，日子欲到，我欲及以色列家、猶大家立新的約，32 嘔是照我及 in 的列祖所立的約，佇我牽 in 的手，導 in 出埃及地的時所立的。我雖莽做 in 的丈夫，in 猶原背我的約。這是耶和華講的。」33 耶和華講：「許個日了後，我及以色列家所欲立的約是此個：就是我欲用我的律法下佇 in 的心內，刻佇 in 的心。我欲做 in 的上帝，in 欲做我的百姓。34 in 無閣逐人教示 in 的厝邊，及 in 逐人的兄弟，講：『恁著識耶和華』，因為 in 對大到細攏欲識我。因為我欲赦免 in 的罪過，無閣記得 in 的罪。這是耶和華講的。」

共同經課-2 詩篇五十一篇一節～十二節

1 [大衛及拔示巴同房以後，先知拿單來見伊；伊做此個詩，交互樂官。]上帝啊，照你的慈愛憐憫我！照你豐盛的慈悲擦消我的過失！2 將我的罪惡一盡洗除，亦洗清我到無罪！3 因為，我家已知我的過失；我的罪常常佇我的面前。4 我所犯著的，就是得罪你若定；佇你的目矚前行此號歹，致到你講話的時顯明做義，判斷的時顯明公道。5 我是佇罪惡中生者，佇罪的中間我的老母懷孕我。6 你所愛的是心內誠實；佇我的腹內，你欲互我得著智慧。7 求你用牛膝草洗我，我就清氣；求你洗我，我就比雪卡白。8 求你互我得著聽見歡喜快樂的聲，互你所過折的骨通歡喜。9 求你掩你的面無看我的罪，擦消我一切的罪惡。10 上帝啊，求你給我創造清氣的心，互我的內面有換新正直的神。11 嘔通趕我，互我離開你的面；嘔通對我收回你聖的神。12 求你互我猶原得著你救恩的快樂，賞賜我有自由的神來扶持我，

共同經課-3 希伯來書五章五節～十節

5 親像按呢，基督亦嘔是家己尊做祭司頭，就是彼個對伊講「你就是我的子，我今仔日生恁」者；6 佇別位亦講：「你永遠做祭司，照麥基洗德的班列。」7 基督佇伊惦肉體的日，用出力喉叫，閣流目屎，獻祈禱，懇求互彼個會救伊出死者，閣因為伊的敬虔得著聽見。8 雖然做子，亦對所受諸個苦難來學順服。9 已經成做完全，就做凡若順服伊的人永遠拯救的根源，10 互上帝稱伊做祭司頭，照麥基洗德的班列。

共同經課-4 約翰福音十二章二十節～三十三節

20 當節期上來敬拜的，中間有幾若個希利尼人。21 in 就近加利利的伯賽大人腓力，求伊講：「先生啊，阮愛見耶穌。」22 腓力來給安得烈講，安得烈及腓力來給耶穌講。23 耶穌應講：「人子得著榮光的時到啦。24 我實實給恁講，一粒麥無落佇地裡來死，就猶原一粒若定，死，就結實多多。25 疼家己的生命的，就喪失伊；怨恨家己的生命佇此世間的，的確保伊到永活。26 人若服事我，就著隨我；我所佇的所在，服事我的人亦欲佇遐；人若服事我，我的父欲對重伊。」27 「今我的心大迫腹，欲怎樣講？父啊，救我出此個時；總是我為著此個才到佇此時。28 父啊，願你榮顯你的名！」就對天有聲，講：「我已經榮顯，欲閣再榮顯伊。」29 佇佇邊仔的眾人聽見，就講：「是雷鳴。」有人講：「是天使給伊講話。」12:30 耶穌應講：「此個聲來嘔是為著我，就是為著恁。31 佇此霎此世間受審判，佇此霎此世間的人君欲受趕逐。32 我若受舉起離開地，就欲引導眾人就近我。」33 伊講此個話，是指伊欲甚麼款來死。